

# Glai Baslerstab

Februar 2017 – Ausgabe 1  
die Vereinszeitung der Glaibasler Schränz-Brieder  
[www.gsb1961.ch](http://www.gsb1961.ch)



## In dieser Ausgabe:

Vorwort vo dr Obfrau	Seite 1
D'Blaggedde 2017	Seite 2
S'Sujet Fasnacht 2017	Seite 3
Proobedaag 2016	Seite 4
Benefizkonzärt	Seite 8
Dangesbrief Nuggi Spugger	Seite 10
GSB Wiehnachtsässe	Seite 11
Bummelyladig 2017	Seite 14
Terminkaländer	Seite 15
Fasnachtsfahrplan 2017	Seite 16



Liebi Aktiv- und Passivmitglieder

Ich überleg mir eimol mehr was ich in das Vorwort schrybe soll. Ich mach's kurz und bündig.

Es passiert soviel Truurigs uff dr Wält, do sotte mir alli schöne Momänt in volle Züg gniesse und uns nid über glaini Sache ärgere. Es fangt bi jedem persönlich a, ob mir's guet zämme hänn. Sinn mir doch froh, dass es uns do so guet goht und gniesse mir unseri Zyt zämme Ich bi überzügt, dass es e tolli Fasnacht wird, au wenn mir im Momänt weniger Aktivi sinn wie in andere Joor. Es wärde wieder anderi Zyte cho. Quantität heisst nid Qualität, mir mien uns au mit weniger Aktive nid verstegge.

Ich frey mi uff ganz e tolli, wunderscheeni und kameradschaftlichi Fasnacht 2017 mit eych mit ganz vielne unvergässliche Momänt.

Gniesset unseri drey scheenschte Dääg

Eyri Obfrau

Caroline



D'Blaggedde 2017

## Mer spränge dr Raame

Das Motto der Fasnacht 2017 lautet „Mer spränge dr Raame“. Der Gestalter heisst zum zweiten Mal hintereinander Guido Happle. Die Plakette zeigt einen Bilderrahmen, aus dem Fasnachtsfiguren heraustreten. Auf jeder Plakette sind andere Figuren abgebildet: ein klassischer Harlekin, ein Schissdräggzigli mit Junteross, Schnitzelbänkler und Guggenmusiker – sie alle haben Platz gefunden im Plakettensatz 2017. Die Figuren sprengen den Rahmen, sie lassen die Alltagsregeln für drei Tage hinter sich und leben ihre Kreativität ohne Wenn und Aber aus. Das Motto „Mer spränge dr Raame“ bezieht sich aber auch darauf, dass an der Fasnacht kein Blatt vor den Mund genommen wird, dass mit Witz und Biss aufgedeckt und angeprangert wird. Auch hier wird der Rahmen der angepassten Gesellschaft gesprengt. Für die Gestaltung verantwortlich ist wiederum der Grafiker und Illustrator Guido Happle.



Bijou	Fr. 100.-
Gold	Fr. 45.-
Silber	Fr. 18.-
Kupfer	Fr. 9.-

Mer spränge dr Raame

S'Kunschtmuseum darf sich zaige  
und d Frau Fasnacht sich vernaige  
mit me Helge und em Raame  
macht d Blaggedde soo Regglaame  
Wie soll au e Raame länge  
denn d Frau Fasnacht duet en spränge  
D'Harlekin mit vyl z vyl Pfuus  
laufen iber d Kupfer uus  
D'Gugge schränze mit vyl Gwicht  
bis dr silbrig Raame bricht  
D'Wägeler hänn in dr Hand  
gsprängt wird au dr goldig Rand  
S'Bijou sprängts au grad e bitz  
D'Schnitzelbänggler sinn so spitz  
D'Fasnacht blitzt do wirgglig duure  
D'Waggis hänn e frächi Schnuure  
Scharfi Pointe bruuchts no mee  
oder schimpft denn s Comité  
Nai, dasch lätz, die schwarze Raabe  
sinn jo au nit Waiseknaabe  
Waisch wiesoo, du d Larve draisch  
dass du alle alles saisch  
Mach kai Booge me um Draame  
Bebbi, spräng du soo dr Raame  
Guet het das dr Müller gmacht  
Die Blaggedde isch e Pracht  
Alli vier sinn ganz verschiide  
sait dr Guido Happle zfriide  
Nimmsch du aini, heersch scho s Gschrei  
Loos, dir fääle jetz no drei  
S'Fasnachts-Comité sait salli  
Kaufet bitti daas Joor alli

Proobedaag 19.11.2016

D'Salome isch e riese Schätzeli gsi und het uns allne Gipfeli zur Stärkig mitbroocht.

DANKE!!! Salome



Pünggtlig am 10ni hämmer aagfange uns yyzspiele. Drnoch simmer scho flissig gsi und händ e paar Stüggli zämme gschpielt, denn het d'Salome uns, also jedem Regischerter einzeln, e paar Stüggli ufgäh, wo mir genau aaluege sothe und d'Problem wo mir drmit händ aaluege und

uusbügle...

Bis kurz vor de Zwölfi hämmer das alli gschafft und und denn uns wieder troffe , zum zämme die Lieder schpiele.

Uff die Eins het's Mittagspause gäh bis am Zwei. Einigi händ ihres Zmittag mitrocht, anderi sind go öbbis z'Ässe hoole. So isch au zum Bieschpiel d'

Migros am Claraplatz vo de GSBler überschwemmt worde. Denn händ alli gmietlig im Mohreloch g'ässe und Pause gmacht.

Am Zwei hämmer wieder aagfange mit yyebe. Wieder het uns d'Salome einzeln Stüggli ufgäh zum Yyebe und denn die nochhär zämme z'schpiele.

So isch dr Nomidaag gschnäll verbi gange und

mir sind sehr flissig gsi. I muess scho saage... mir sind e tolle Hufe und wenn mir alli bi dr Sach sind, tönst halt eifach mega geil!!! -

**GÄNSEHUUTFEELING** pur....

Am 5fi sind denn no unseri Passive, Alte und die Pausierende koh und mir händ für si no e paar Stückli zum Beschte gäh, extra schön, will mir jo



gyyebt händ...



Noch unserem arbeits- und erfolgryyche Proobedaag het's no e feins Fondue gäh, wo mir uns druff händ dörfe freue. So also hämmer aagfange alles für das tolle Z'nacht parat mache.

S'Fondue isch mega fein gsi und mir alli händ no e gmietlig Obe mit de Passive, Alte und

Pausierende könne verbringe und yych bi nochr sehr mied gsi, wills aasträngend gsi isch, so dr ganzi Daag schpiele und konzentriert si. Also

nid nur Spass, sondern au Arbet steggt hinter so emme Proobedaag. Aber es isch wie immer glatt gsi mit däm tolle GSB Huffe.

Am 9ni het sich d'Bryychtschrieberin, also ich, verabschiedet... jäh me wird alt!!! Grins!!!

I bi aber ganz sicher, dass no lang, intensiv gfeschtet und gmietlig zämme ghöglet worde isch.



Ei negative Näbegschmagg het dä Obe aber leider doch no gha... dr Dominik isch no noch dr Schuel koh und het no mit uns gyyebt und dr Obe mit uns allen verbrocht. Är het dorum sin Schuelruggsagg mit allne

Schuelunterlage und em Laptop mitgnoh und an dr Garderobe abgestellt. Won är het welle go, isch dä aber nümme umme gsi?! Leider het niemerds öbbis gseh. Scho verruggt, dass so öbbis im Mohreloch kah passiere!!! Es isch jo leider nid s'Einzig wo furtkoh isch. Es sind jo au zwei Mikrowälle nüm ummegsi. Eini het dr Katja ghört, und niemerds weiss wo die anekoh sind... komisch.

Aber trotz däm Wermuethstropfe isch es e super tolle Daag gsi. Mir händs luschtig gha und ebbe au no fein gässe aaschliessend. Was will meh mehr...







Tina Rumpel

## Benefiz-Konzert vom 08. Dezember 2016

Am 8. Dezember hänn mir am Benefiz-Konzert vo de Nuggi Spugger gspielt.

Do die vorgesehene Brichschrybere leider kurzfristig krankg worde isch und nid an Ufftritt het chönne cho, schryb ich no e baar Zyyle zu däm Ufftritt.



Isch ganz speziell gsi, im Dezember dur d'Stadt laufe. Es het nach Gliehwy gschmeegt und überall het d'Wiehnachtsbelüchtig brennt. Drzue han ich e Guggemuusig ghört. Ich bi komisch aglueggt worde wo ich Richtig Tinquely Brunne gloofe bi. E baar Tourishte hänn gmeint, dass das zum Wiehnachtsmärt ghört :))

Es isch sehr kalt gsi und ich ha mi vor em Ufftritt mit emene Gliehwy gwärmt und de andere Gugge zuegloost.

Denn sinn mir dra gsi. Es isch e guete Ufftritt gsi. S'erschte Mol wo d'GSB im Stamm ohni Larve in Basel gspielt het:))) Do das nüt mit Fasnacht z'due gha het, isch das au völlig in Ordng gsi.

Me het nach em Ufftritt no eine oder zwei zämme gno und isch denn gli heim in d'Wärmi gange.



Caroline



[www.nuggi-spugger.ch](http://www.nuggi-spugger.ch)

**Nuggi-Spugger Basel**  
4058 Basel

Basel, Dezember 2016

**VIELEN DANK!!**

Liebe Sponsoren  
Liebe Helfer  
Liebe Fasnächtler

Am 12. Dezember 2016 konnten wir zum vierten Mal das Basler Benefiz Guggenkonzept auf dem Theaterplatz durchführen. Wir konnten an den Erfolg des ersten Jahres anknüpfen und CHF 11'000 an die Stiftung Kinderhilfe Sternschnuppe übergeben. Wir sind froh darüber das Geld für einen so wertvollen Zweck zu überreichen und gespannt wie das Geld effektiv von der Stiftung Kinderhilfe Sternschnuppe eingesetzt wird. Dies werden wir dann am Basler Benefiz Guggenkonzept 2017 erfahren.

**Wir möchten uns von ganzem Herzen für eure Hilfe bedanken. Ohne Euch wäre dieser Event nicht machbar für uns. Wir sind sehr dankbar uns stolz so viele gute Menschen in unserem Umfeld zu haben die bereitwillig und selbstlos Ihre Hilfe anbieten. Wir wissen, dass das nicht selbstverständlich ist und schätzen das von ganzem Herzen. Wir möchten Euch und euren Liebsten eine wunderschöne und besinnliche Weihnachtszeit wünschen sowie einen guten Rutsch ins 2017.**

Wir freuen uns schon jetzt auf viele weitere spannende, erlebnisreiche und unvergessliche Momente, die wir hoffentlich zusammen mit Euch erleben dürfen am Basler Benefiz Guggenkonzept 2017.

mit fasnächtlichen und weihnachtlichen Grüssen

**Nuggi-Spugger Basel**

  
Denise Krup  
Event-OK

## GSB Wiehnachtsässe am Fritig, de 16. Dezämber

Es sind doch einigi Amäldige für unser GSB Wiehnachtsoobe itroffe und so händ mir uns an d'Planig könne mache. Mir sind ingesamt 32 Lüüt gsi, was uns s'OK, zämmegstellt us, dr Jeanine, Tina und mir wirklich gfreut het.



Natürlich brucht me im vornerein au Zyt zum organisiere und plane, mir s'Ok sind aber e guets Trio gsi und so sind mer au schnäll uf en Idee zum Ablauf vom Obe koh. Im Vorfäld hänn mir no miesse go ykaufe und dehaime isch fliessig backt worde, damit me e feyne Apéro ka näh und au bim Dessert isch nit

gspart worde. D'Jeanine und ich, händ uns scho am drey am Nomidaag troffe und sind denne in Käller gange, wo doch no e huffe Arbet uf uns gwartet het. Kiehlschränk uffülle, Tischdeko und de Tannebaum schmügge, jo vieli kleini Sache. Kurz vor 7beni sind mer fertig worde und am 7beni isch

denne Zyt gsi, um obe d'Türe ufzmake. Es het scho es paar Lüüt ka und so hänn mir denne gli drufab mit em Apéro agfange. Noch und noch sind denne mol alli Agmäldete im Käller gsi und so het me sich unterhalte, glacht und vom feyne Buffet gässe. Im Aschluss het me sich denne an die runde Tisch gsetzt und het sich dörfe



d'Vorpies hole im Aschluss isch denne de Hauptgang serviert worde. Mir vom OK händ immer gnueg z'tue ka, uns isch nie langwillig worde, Getränk ussegeh, s'Gschirr mache und ab und zue, hänn mir au Zyt ka rasch ahnesitze und uns z'unterhalte. In dere Zyt, sind au scho die erste Lüüt



gange, was sehr schad gsi isch, aber ebbe... Mir hänn denne die Pause gnutzt und e kleins Spiel gmacht, wär d'Regle nit befolgt het, het en feyne GSBler miesse trinke und do ich nit gwüsst ha, wie me dä macht, han ich e

kleini Iführigsrundi vom Pät, dr Carolin ihrem Maa bekoh. Es isch lustig gsi und vorallem dr Schmutzli, dä liebi, allerliebste Schmutzli wird no lang dra dängge...Denne isch no s'Dessertbuffet koh, wo me sich het dörfe verköstige, ich glaub, für jede Gschmack isch dort öbis derby gsi. Me het sich denn no unterhalte, glacht, het's eifach gmietlich ka, wies au amene söttige Alass sott si.

Dangge sage, möchte ich no, de Hälfer wo öbbis mitbrocht händ, aber au dene wo ab und zue gholfe hänn. Und natürlich dene Lüt wo mit uns dä tolli Obe verbrocht händ.



Euri Schriebliesel Nicole





# BUMMEL 2017

## GLAIBASLER SCHRÄNZ- BRIEDER



Träffpunkt: *Sonntag, 26. März 2017, 10.15 Uhr*

*Trammhaltstell, 4153 Rynach Dorf, bim Brunne*

*Koschte duet's:*

*Pausierendi : CHF 50.-*

*Passivi : CHF 90.-*

*Weder noch : CHF 120.-*

*Die Aggtive sin automatisch aagmolde ☺*

*Aamäldige bis spöteschtens Sonntag, 12. März 2017 an:*

*Eveline Keller, Kreuzstrasse 10, 4227 Büsserach*

*Tel. 076 347 12 61 / E-Mail [hopi@bluewin.ch](mailto:hopi@bluewin.ch)*

*(Bitte aagäh wenn Vegetarier oder Allergiker)*

*Mir freue n'ys uf e gsellige Bummel mit Euch ☺*

*s' Bummel-OK Evi & Sabrina*



**GSB**

# Terminkalender 2016/2017

<b>Januar 2017</b>			
Freitag	13.01.2017	20.00 Uhr	20. Probe
Dienstag	17.01.2017	19.30 Uhr	21. Probe
Freitag	20.01.2017	20.00 Uhr	22. Probe
Dienstag	24.01.2017	19.30 Uhr	23. Probe
Donnerstag	26.01.2017	19.15 Uhr	Hauptprobe Larifari Pratteln
Freitag	27.01.2017	19.45 Uhr	Vorstellung Larifari Pratteln
Samstag	28.01.2017	19.20 Uhr	Vorstellung Larifari Pratteln
Dienstag	31.01.2017	19.30 Uhr	25. Probe
<b>Februar 2017</b>			
Freitag	03.02.2017	20.00 Uhr	26. Probe
Dienstag	07.02.2017	19.30 Uhr	27. Probe
Freitag	10.02.2017	20.00 Uhr	28. Probe
Sonntag	12.02.2017	13.30Uhr	Marschprobe
Dienstag	14.02.2017	19.30 Uhr	29. Probe
Freitag	17.02.2017	20.00 Uhr	30. Probe
Samstag	18.02.2017	Details Folgen	Vorfasnacht Küssnacht am Rigi
Sonntag	19.02.2017	Details Folgen	Vorfasnacht Küssnacht am Rigi
Dienstag	21.02.2017	19.30 Uhr	31. Probe
Freitag	24.02.2017	Details Folgen	Fasnachtsglöggli Oberwil
Samstag	25.02.2017	Details Folgen	Fasnachtsglöggli Oberwil
Dienstag	28.02.2017	19.30 Uhr	Fasnachtssitzung
<b>März 2017</b>			
Freitag	03.03.2017	Details Folgen	Auftritt Gladdi-Addore
Samstag	04.03.2017	16.00 Uhr	Wagenvernissage vo de Alte
Montag	06.03.2017	Details Folgen	Fasnachtsmontag
Dienstag	07.03.2017	Details Folgen	Fasnachtsdienstag
Mittwoch	08.03.2017	Details Folgen	Fasnachtsmittwoch
Freitag	24.03.2017	19.30 Uhr	Neobummelprobe
Sonntag	26.03.2017	Details Folgen	Bummel
Freitag	31.03.2017	19.30 Uhr	Läüberlisitzung
<b>April 2017</b>			
Freitag	20.04.2017	19.30 Uhr	Aktivensitzung
<b>Mai 2017</b>			
Samstag	06.05.2017	16.00 Uhr	Generalversammlung

<b>Fasnachtsplan 2017 G্লাibasler Schränz-Brieder</b>		
<b>Montag, 6. März 2017</b>	<b>Dienstag, 7. März 2017</b>	<b>Mittwoch, 8. März 2017</b>
Wache: Trompeten	Wache: Posaunen, Sax, Sousi	Wache: Schlag und Hörli
12.00 Uhr Besammlung Mohreloch	Kinderfasnacht mit der GSB: 14.00 Uhr Besammlung Mohreloch	12.00 Uhr Besammlung Mohreloch
12.30 Uhr Abmarsch zum Wagen (Fotermin)	14.15 Uhr uff Gass	12.30 Uhr Abmarsch zum Wagen
13.30 Uhr Cortège Punkt 3 (Äussere Route)	14.45 Trämmli Wettsteinplatz	13.30 Uhr Cortège Punkt 30 (Innere Route)
Pausen:	15.30 Uhr Auftritt Schotte 70 Joor	Pausen:
Spiegelhof	17.45 Uhr Eintreffen Muba Stermmarsch	Eventuell Kunstmuseum
Birsig Parkplatz/eher Fechthalle Wettsteinplatz	18.30 Uhr Stermmasch Nr. 2 Vor uns Baggemugge	Freie nein, Falknerstrasse, einfädeln Post Rhygass
Ständeli Grunzies Jubel 18.00 Uhr	19.30 - 19.43 1. Gugge Barfi	18.30 Uhr Essen Fischerclub
18.30 Uhr Essen Fischerclub	20.00 - 21.45 Uhr Essen Mister Wong	20.15 Uhr uff Gass
20.15 Uhr uff Gass	22.30 Uhr Lägerli Manor 40 Joor Ständeli	20.30 Uhr Passivapéro
20.45 Uhr Mitte	23.30 Uhr Apéro Schiffflände	Rätschbeeri 22.10 Uhr MUBA
21.45 Uhr Peanuts-Bar	00.30 Uhr Baggestoos	Uff dr Gass
23.00 Uhr Wolki	ca. 1.30 Uhr Auflösen Mohreloch	00.15 Uhr Mitternachtsessen
ca. 1.00 Uhr Auflösen Mohreloch		02.00 Uhr Messingkäfer Raum Claraplatz
		04.00 Uhr Aendstraich

## Der Vorstand der GSB



### **Präsidentin**

Caroline Rhyn

Natel: 079 547 94 22

Email: caroline.rhyn@bluewin.ch

### **Vize-Präsidentin**

Sandy Käppeli

Natel: 079 297 64 89

Email: h.s.kaeppli@bluewin.ch

### **Sekretär**

Michel Wellig

Natel: 079 430 9149

Email: michel.wellig@bluewin.ch

### **Kassiererin**

Jeanine Thanner

Natel: 079 372 12 38

Email: jeanine.thanner@gmail.com

### **Materialverwalter**

Leon van Dongen

Natel: 076 431 14 20

### **Aktiv & Passiv-Betreuer**

Cyril Wegmüller

Natel: 079 363 1582

Email: cyril.wegmueller@bluewin.ch

### **Redaktion Glaibaslerstab**

Gaby von Aesch

Natel: 079 384 99 27

Email: bebbibs@bluewin.ch

